



Inatsisartunut ilaasortaq,
Sofia Geisler
Inuit Ataqtigiit

§ 37 naapertorlugu apeqqummut nr. 176_2018-imut akissuteqaat

Inatsisartut suleriaasianni § 37, imm. 1 malillugu pisassiissutinik tunniussisarneq pisortanullu akiitsut pillugit Naalakkersuisunut apeqquteqarsimavutit. Apeqqutit suliaasaqarfigisannit akineqartussanngorlugit innersuunneqarput.

1. Akiitsut akuersissutillu pillugit § 37 naapertorlugu apeqqut 2018_142 –mut Naalakkersuisut akissutaanni atuarneqarsinnaavoq aalisarsinnaanermut akuersissutinik tunineqarsimasut 17-it, 1 aamma 5 mio. kronit akornanni amerlassusilinnik akiligassaareersunik akiitsoqartut. Kiisalu aalisarsinnaanermut akuersissutinik tunineqarsimasut 2-uk, 5,1 aamma 10 mio. kronit akornanni amerlassusilinnik akiligassaareersunik akiitsoqartut.

I. Aalisarsinnaanermut akuersissutinik tunineqarsimasut akiligassaareersunik akiitsuisa akilerneqarnissaannut Naalakkersuisut iliuuseqarsimappat?

Apeqqummut tassunga akissuteqarniarnitsinni Aningaasaqarnermut Naalakkersuisoqarfimmit akissummik piniarsimavugut.

Akissut: Aap, suliat akiligassiissutitut tunniunneqarsimapput.

II. Akiligassaareersunik akiitsut akilerneqarnissaannut qulakkeerinninniartutik Naalakkersuisut qanoq iliuuseqarpat?

Apeqqummut tassunga akissuteqarniarnitsinni Aningaasaqarnermut Naalakkersuisoqarfimmit akissummik piniarsimavugut.

Akissut: Akiliitsiniartarfimmut tunniussisoqarnerani akiliitsiniartarnermut inatsisitigut maleruagassat nalinginnaasut malinneqartarput, akiitsoqartorlu pineqartoq akiliutaasinnaasunik pigisaqarsimappat akileeqqusinermik kingornagullu pinngitsaaliissummik tunisinissaanik naggataatigut kinguneqarsinnaalluni.

2. Aalisarsinnaanermut akuersissutinik peqartut akiligassaareersunik pisortanut akiitsullit, apeqqutaatinnagu suliffeqarfik qanoq aaqqiussuusaanersoq, ukununga qanoq agguataarsimappat:

a) Rejerniarneq, b) qaleralinniarneq, c) avaleraasartoorniarneq, d) saarullinniarneq, e) allat?

Ulloq: 23-08-2018
Suliap normua: 2018 - 16485
All. nr.: 8505810

Postboks 269
3900 Nuuk
Oqarasuaat: (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqummut tassunga akissuteqarniarnitsinni Aningaasaqarnermut Naalakkersuisoqarfimmit akissummik piniarsimavugut.

Akissut: Naalakkersuisut qulaani taaneqartunut akissuteqarsinnaanngillat, tamatumunngalu pissutaavoq suliaq annertooq matumani pineqarmat, ilaatigut pisortat nalunaarsuiffii marluk ataatsimoortinnissaat pisariaqassamat, tamannalu Naalakkersuisut isumaat malillugu malittarisassanut atuuttunut unioqquitsinerusinnaammat. Naalakkersuisut isumaqarput ataatsimoortitsisoqarniarpat tamanna Datatilsynimiit immikkut akuersissuteqarnissaq pisariaqassasoq.

3. Aalisarsinnaanermut akuersissutinik peqartut akileraarutitigut Nunatta Karsianut akiligassaat kinguartitat qanoq annertussuseqarpat?

Apeqqummut tassunga akissuteqarniarnitsinni Aningaasaqarnermut Naalakkersuisoqarfimmit akissummik piniarsimavugut.

Akissut: Akileraarnermut Aqutsisoqarfik akileraarutit kinguartitat qanoq naleqarnerannut qarasaasiakkut takussutissaqanngilaq, taamaamallu naatsorsuisoqarniarpat akuersissutinik peqartut naatsorsuutaat nammineerlutillu nalunaarsuinerat tamakkerlugit pappiaqqatigut misissuiffiqineqartariaqassallutik. Taamaammat kinguartitani akuersissutinik peqartut naatsorsuutiminni nammineerlutillu nalunaarsuineranni aningaasat tamarmiusut qanoq amerlatiginersut paasissutissiissutigissallugit periarfissaqanngilaq.

Paatsoortoqaqqunagu oqaatigineqassaaq akileraarutit kinguartitat tassaanngimmata inuit ingerlatseqatigiiffilluunniit pisortanut akiitsorilersimasaat, matumani pisariaqartillugu pisussaaffik pineqarmat, tassalu akuersissutit tunineqarsimatillugit imaluunniit pigisanut akileraarutitigut nalikilliliinerit aningaasat pineqartut qaangersimappatigut pisortanut akileraarnermik kinguneqartussat.

4. Aalisarsinnaanermut akuersissutinik peqartut, apeqqutaatinnagu suliffeqarfik qanoq aaqqissuussaanersoq, akileraarutitigut Nunatta Karsianut akiligassaat kinguartitat ukununga qanoq agguataarsimappat:

a) Rejerniarneq, b) qaleralinniarneq, c) avaleraasartoorriarneq, d) saarullinniarneq, e) allat?

Apeqqummut tassunga akissuteqarniarnitsinni Aningaasaqarnermut Naalakkersuisoqarfimmit akissummik piniarsimavugut.

Apeqqut 3-mut akissut takuuk.

5. § 37 naapertorlugu apeqqummut nr. 143 –mut Naalakkersuisut akissutaanni atuarneqarsinnaavoq aalisarsinnaanermut akuersissutinik tunniussisoqartillugu pisortanut akiligassaareersunik akiitsoqarneq akiitsoqannginnerluunniit aalaajangernissamat tunngavissanut ilaatinneqarneq ajortoq

- Aalisarsinnaanermut akuersissutinik tunniussisoqassatillugu pisortanut akiligassaareersunik akiitsoqannginnissamik

piumasaqaateqartalernissaq Naalakkersuisut pilersaarutigivaat, taamasilluni sanaartugassanut il.il. tunngatillugu suliarinnittussarsiuussisoqartillugu suliariumanninniartut pisortanut akiligassaareersunik akiitsoqannginnissaannik pisortat inatsit aallaavigalugu piumasaqarsinnaanerit assigalugu periuseqarnissaq eqqarsaatigalugu?

Akissut: Siunissami qinnuteqartup pisortanut akiitsoqannginnissaanut piumasaqaatinut siunissami ilanngussinissamik Naalakkersuisut massakkut pilersaaruteqanngillat.

6. Apeqqut 5 naaggaarneqarpat: Aalisarsinnaanermut akuersissutinik qinnuteqartut pisortanut akiligassaareersunik akiitsoqannginnissaannik Naalakkersuisut piumasaqaateqarniannigippata tamanna sumik tunngaveqarpa?

Akissut: Aalisartut inuussutissarsiutiminnik atuisinnaajunnaarnissaannik Naalakkersuisut kissaateqanngillat, taamaattorli akuersissutaateqartunut ataasiakkaanut taakku akiitsui pillugit akilersuinissamik isumaqatigiissuteqarusunnerullutik.

7. § 37 naapertorlugu apeqqummut nr. 143 –mut Naalakkersuisut akissutaanni atuarneqarsinnaavoq aalisarsinnaanermut akuersissutinik agguaassineq aamma Naalakkersuisut agguaassinermi piumasaqaataanik tunngaveqartartoq, innersuunneqarporlu Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 8, 8. april 2016-imeersoq § 3, imm. 3..

- Nalunaarummi tassani ersinngilaq aalisarsinnaanermut akuersissutinik tunniussisoqartillugu Naalakkersuisut namminneerlutik aalajangersagaat qanoq imaqarnersut. Taamaattumik: Naalakkersuisut pilersaaruteqarpat aalisarsinnaanermut akuersissutinik agguaassinermut atatillugu aaqqissuussinermik ersarissumik ingerlanneqartumik, assersuutigalugu Naalakkersuisut aallartitaasa saniatigut soqutigisaqaqatigiiffiit pisamut attuumassuteqartut akuuffigisaannik, pilersitsinissaminnut?


Akissut: Naalakkersuisut susassaqarfimmut pisassiissutinik tunniussisarnermut tunngatillugu aalajangiisinnaatitaanerup aalajangiisartussamut tunniunnissaanut massakkut pilersaaruteqanngillat, tassani Naalakkersuisut aallartitaasa saniatigut soqutigisaqaqatigiit attuumassutillit ilaasortaataitaqarfiannut aamma tunngatillugu.

8. Apeqqut 7 naaggaarneqarpat: Inuiaqatigiit pigisaasa pinngortitamiittut aqunneqarnerannik, tassalu aalisarsinnaanermut akuersissutinik agguaassisarnermut, atatillugu aaqqissuussinermik ersarissumik tunngaveqartumik pilersitsinissamut Naalakkersuisut qanoq suliniuteqarniarpat?

Akissut: Naalakkersuisut ammalluinnartumik ingerlatsipput. Tamatumani isumarput aamma tassaavoq pisassiissutinik agguaassinermi aalisarnermik soqutigisallit ilanngunnerisigut ammanerusumik periaaseqartoqalernaviannigisoq, tassami akerlianik sunniuteqarsinnaammatt. Pisassiissutinik agguaasarnermut tunngasunik oqartussaaffiup ilaanik qinikkanit inuussutissarsiortunut namminersortunut tunniussisoqassagaluarpat inuiaqatigiit pigisaannik aalajangiisinnaanermik tunniussinerussiaq. Inuiaqatigiit pigisaannik isumalluutunik aqutsinermut tunngasunik namminersorlutik inuussutissarsiuteqartunut aalajangiisuusumik sunniuteqartunut

tunniussisoqassagalarpat tamanna tamat oqartussaanerinnikkaat isumaqarpugut. Oqartussaaneq tamanna qinikkaniittariaqarpoq, taakku inuiaqatigiit ataatsimut isigalugit tamanut iluaqutaasumik aalajangiiniarsinnaammata.

Inussiarnersumik inuulluaqqusilluta



Erik Jensen

Aalisarnermut, Piniarnermut Nunalerinermullu Naalakkersuisoq